

tibiis tenuiter sed sat longe spinulosis, tarsis articulo ultimo apicem versus levissime incrassato, aroliis parallelis.

Genus insigne, forsitan divisionis propriae, statura sub-lineari, valde elongata, structura capitis a latere visi sub-rectangularis, oculis retrorsum vergentibus, a latere visis distincte transversis, pronoto longo, lateribus sinuato, cuneo minutissimo, a corio incisura profunda discreto sed cum membrana subconfluente, tarsis apice nonnihil dilatatis distinctissimum; generi *Ficinus* Dist. statura nonnihil similis videtur, structura antennarum mox distinguendus.

### Baculodema luridum n. sp.

Luridum, nitidum, superne lurido-setosum et -pilosum, capite scutelloque parcius, pronoto, callis exceptis, hemielytrisque densius et fortius minus subtiliter punctatis; corio macula picea marginis interioris infra commissuram; membrana obscure fuliginosa, macula albida ad apicem cunei; inferne, capite excepto, nigro-piceum; rostro, antennis pedibusque lividis, apice articuli secundi antennarum articulisque ultimis fusciscentibus, tertio basi livido; vertice oculo <sup>3</sup>/<sub>4</sub> latiore; antennis articulo secundo primo paullulum magis quam dimidio longiore, tertio primo longitudine subaequali. ♀. Long.  $2\frac{3}{4}$ , lat.  $\frac{2}{3}$  mm.

Mandeville.

### 17. Ceratocapsus <sup>1)</sup> nigro-piceus n. sp.

Oblongus, angustulus, nigro-piceus, nitidus, superne setis longis testaceis semierectis retrorsum vergentibus setosus, scutello hemielytrisque adhuc pilis brevissimis punctiformibus, cervino-albidis dense pubescentibus; membrana nigricantifumata, venis nigro-piceis, juxta dimidium apicalem marginis cunei vitta obliqua areolam minorem occupante et usque ad apicem cunei producta albida; rostro, antennis totis pedibusque pallide testaceis, articulo primo rostri, basi coxarum, femoribus tibiisque posticis nigro-piceis, femoribus posticis

<sup>1)</sup> *Ceratocapsus* Reut. = *Melinna* Uhler.